

Gvangjsih Minzcuz Bau

广西民族报 ganhhau: CN45-0036 B.2020 Nd.11 Ng.18 liggaueq gengceij nienz ndwencib coseiq

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzcuz Bause
Geizsoq: Gungh daih 3449 geiz
Geiz neix 8 banj

Cunghgoz Minzcuz Yijvwnz Fanhyizgiz Hai Aen Hoih Canghfanhoiz Saemjdingh Swz Moq Sawcuengh Bi 2020

11 nyied 7 hauh daengz 8 hauh, Aen Hoih Canghfanhoiz Saemjdingh Swz Moq Sawcuengh Bi 2020 Cunghgoz Minzcuz Yijvwnz Fanhyizgiz youq Bwzswz Si hai. Aen hoih neix youz Cunghgoz Minzcuz Yijvwnz Fanhyizgiz guhdaeuz banh, youz Gvangjsih Bwzswz Si Minzcuz Cunghgyau Swvu Veijyenzvei caeuq Gvangjsih Bwzswz Si Saujsu Minzcuz Yijyenz Vwnzsw Yenzgiu Cunghsinh coengh banh. Boux dangjvej suhgi Cunghgoz Minzcuz Yijvwnz Fanhyizgiz Lanz Cigiz, boux gijvej suhgi Lij Yuzlen, boux fucujyin Gvangjsih Bouxcuengh Swcigih Minzcunghvej Veih Yungjhungz, boux fusicangj Bwzswz Si Lij Lenzcwnz caez daengz aen gaihmsiz neix. Baez hoih neix miz 27 boux lauxhangz daj Guengjsae, Yinznanz, Baekging daengj

dieg daeuj.

Youq gwnz gaihmsiz, Cunghgoz Minzcuz Yijvwnz Fanhyizgiz soengq 《Cunghgoz Gungcanjdangj Cangh-cwngz》《Cwngfuj Gunghcoz Baugau》(bi 2020) daengj saw Sawcuengh hawj Bwzswz Si Minzcunghvej.

Gyoengq canghfanhoiz youq gwnz hoih saemjdingh le gij swz faplwd 《Aen Minzfazdenj Cunghvaz Yinzminz Gunghozgoz》, caez naengh doxyaeng baenzlawz gveihfan swz moq Sawcuengh, baenzlawz guh ndei gaiq hong fanhoiz raeuz. Baez hoih neix ndeileih gij hong fanhoiz Sawcuengh hwnghat ndaej habngamj.

Baez hoih neix lai baez gangj daengz, gveihfan yungh swz moq dwg hangh hong giekdaej guh hongsaeh vah saw minzcuz ndeu, neix gvendaengz

raeuz hag deng caeuq yungh deng cihsaw minzcuz, gvendaengz cungq-vunz saujsu minzcuz cingq deng roxyiuj caeuq dawzndei gij lohsienq fuengcim cwngcwz Dangj raeuz, faplwd fapgi guek raeuz, guh ndei hangh hong neix eiqngeih naek lailai. Gyoengq canghfanhoiz aeu gaemndaet dawzndei diuz cawjsienq cuk maenh aen eiqsik caezcaemh Cunghvaz Minzcuz, dingj-maenh gij cunghcij vih Dangj caeuq guekgia fugsah, vih saujsu minzcuz caeuq dieg minzcuz fugsah, aeu gij cwzyinganj caeuq sijmingganj cwngci engq sang bae guhndei hangh hong fanhoiz swz moq, vih “Cunghvaz minzcuz caen lumj ranz vunz ndeu, caezsim caemh cuk aen loqsiengj Cungguek” lai okrengz.

(Cau Fungh)



“Song 11” Daz Daengx Seiogyaiq Ginghci Hwnjfofo

Bineix “song 11” (aenciet cawx huq 11 nyied 11 hauh), Cungguek aen hawciengz siyungh caiq langh rengz bongh hwnjfofo bae: Ginghdungh dan yungh 9 faen cung gai bae 2000 ik maenz doxgaiq; Denhmauh buenq aen cung gai bae 3723 ik maenz huq, daengx ngoenz gai bae 4982 ik maenz; gij huq dawz daeuj gaicawx de baudaengz daengx seiogyaiq 220 lai aen guekgia, mauhgyaq 25 fanh aen binjbaiz caeuq 500 fanh bouxseng’ ei. Binghraq bwtndat vanzlij youq gwnz seiogyaiq cienzlah, “song 11” langh yiengh rengz daegbied lai, daz daengx

seiogyaiq ginghci caemh bongh hwnjfofo.

Sihbanhyaz faenh bauqceij 《Bau Seiogyaiq》 naeuz, “song 11” rengz-rwrwd bae, neix gangj cingcuj liux-caez gij siyungh Cungguek deng binghraq bwtndat gazlaengz gvaqlaeng seizneix dauqfuk lo, caemhcai caiq ok rengzdoengh moq coengh ginghci Cungguek dauqfuk. 《Vazswngdun Youzbau》 naeuz, bineix “song 11” mbouj lumj doengh bi gaxgonq, daengx seiogyaiq giyez cungj muengh ngoenz-neix ndaej gai haujlai huq.

“Song 11” caiq hawj vunzlai rox

gijneix, aen hawciengz Cungguek cingq bienqbaenz aen hawciengz seiogyaiq fatdoengh aen gihgi hawj gak guek guh swngheanj, daz daengx seiogyaiq ginghci caemh bongh hwnjfofo. Cungguek miz 14 ik gyaeujvunz, gyoengqvunz souhaeuj youq duenh cungqgyang de mauhgyaq 4 ik vunz, dwg ndaw seiogyaiq aen hawciengz hung rengzndumj cei lai. Ngozlozsw h faenh couhganh 《Lwgfeiz》 naeuz, deng binghraq bwtndat gazlaengz, daengx seiogyaiq bouxseng’ ei cungj muengh baengh hawciengz Cungguek ndaej baenzsaeh.

(Gyauz Gihungz)

SIUSIK DINJ

● 11 nyied 12 hauh, ndwen hozdung vunzcaiz doxgyau Nanzningz—Dungh-mungz bi 2020 de hainduj lo. Bineix caemh youq “gwnz vangj + dangciengz” guh hozdung, doiok 18 aen hozdung, miz 14 aen hanghmoeg vunzcaiz youq gwnz yizsiz hainduj ndaej ciem hobdoengz, gij hanghmoeg neix dwg vunz daj Ngozlozsw h, Dwzgoz, Yidali, Majlaizsihya, Sinhgyahboh daengj haj aen guekgia vanzlij Bwzgingh, Gvangjdungh daengj swngi (si) ndaw guek daiq daeuj.

(Gyauz Yaujyingz)

● 11 nyied 10 hauh aen hoih yienhciengz doihaeuj daengx gih gyavaiq hwnqguh suiqli gunghcwngz de hawj vunz ndaej rox, daj bineix doxdaeuj, gih raeuz gyoep-suenq roengz sat 161.36 ik maenz cienzngaenz hwnqguh suiqli, ciemq gij yinvu bineix 122.7%, beij bi’ gvaq gyalai 8.7%.

(Couh Yingj)

● Geij bi neix, Yilinz Si Fuzmenz Gih langh rengz hung hwnqguh roen lajmbanj, goengloh lajmbanj bienq lai, bienq gvangq, bienq ndei gvaq, mbanjmbanj cungj doeng roensuijniz, neix couh coengh rengz gunggeng duet-gungz. Suenq daengz dangq-naj, aen gih neix gungh guh 426 diuz roensuijniz, guh youq 6 aen cin, 106 cunh (sejih).

(Cinz Bingz)

● Daj bineix doxdaeuj, Bwzliuz Si laebdaeb roengz 140 fanh cienzngaenz hwnqguh gij gunghcwngz gya-maenh daezsang lajmbanj gwn raemx ancienz, guh gij gunghcwngz gyamaenh daezsang lajmbanj gwn raemx ancienz Sizvoh Cin Sanhbingz Cunh Mbanjsuijgouj daengj 3 aen hanghmoeg, hawj 4161 vunz ndaej ikleih, ndawde miz 103 boux ranzungzhoj.

(Lij Hungzen)